

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINA SANSKI MOST
OPĆINSKI NAČELNIK

Broj:04-11-3631/23

Datum: 07.02.2024.godine

Na osnovu člana 64. stav (1) tačka b) najniža cijena, člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku broj: 04-11-3361/23 od 06.01.2023. godine, u postupku javne nabavke **Izgradnja kanalizacionog sistema u naselju Otoke**, Općinski načelnik donosi:

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za javne nabavke, broj: 04-11-3631/23 od 06.02.2024. godine i ugovor za javnu nabavku **Izgradnja kanalizacionog sistema u naselju Otoke**, dodjeljuje se **ponuđaču “Divel ” d.o.o. Sanski Most**, ponuda br. 09/24-P od 10.01.2024. godine, za ponudenu cijenu od 84.503,67 KM bez PDV-a (ukupna cijena sa uračunatim PDV-om iznosi 98.869,29 KM), kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču **“Divel ” d.o.o. Sanski Most**, po proteku roka od 15 dana, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Za izvršenje ove odluke zadužuje se i ovlašćuje Služba za razvoj, poduzetništvo i resurse.

Član 4.

Ova odluka objavit će se na web-stranici www.sanskimost.gov.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Rješenjem o pokretanju postupka javne nabavke broj: 04-11-3631/23 od 06.12.2023. godine i izmjene i dopune od 14.12.2023. godine.

Javna nabavka je provedena putem otvorenog postupka.

Procijenjena vrijednost javne nabavke je 84.510,68 KM bez PDV-a.

Obavijest o nabavci broj: 305-1-3-68-3-107/23 poslana je na objavu dana 20.12.2023. godine, a objavljena je na Portalu javnih nabavki dana 20.12.2023. godine.

Komisija za javnu nabavku, imenovana Rješenjem broj: 04-11-3631/23 od 28.12.2023.godine, dostavila je dana 07.10.2023. godine Zapisnik o ocjeni ponuda i Preporuku o izboru najpovoljnijeg ponuđača broj: 04-11-3631/23 od 06.02.2024. godine, u postupku javne nabavke: Izgradnja kanalizacionog sistema u naselju Otoke.

U postupku po izvješću o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj zaprimljenih ponuda 2 (dvije).
- da su blagovremeno zaprimljene 2 (dvije) ponude,
- da nije bilo neblagovremeno zaprimljenih ponuda.

Krajnji rok za prijem ponuda bio je: 10.01.2024. godine do 13:00 sati.

Podaci o pristiglim ponudama:

| Naziv / ime ponuđača | | | | |
|---|----------------------------|-----------------------|---|--|
| Blagovremene ponude / datum i vrijeme prijema | | | Neblagovremene ponude / datum i vrijeme prijema | |
| 1. | "I-Selimović" d.o.o. Cazin | 09.01.2024. u 11:40 h | | |
| 2. | "Divel" d.o.o. Sanski Most | 10.01.2024. u 11:20 h | | |

Komisija za javne nabavke u analizi blagovremeno pristiglih ponuda, te pregledu istih, ustanovila je

- da je 1 (jedna) blagovremeno zaprimljena ponuda prihvatljiva,
- da je 1 (jedna) blagovremeno zaprimljena ponuda neprihvatljiva.,

Prihvatljive ponude prema kriteriju za izbor ponude;

- Najniža cijena, kako slijedi:

| Naziv / ime ponuđača | | Ponuđena cijena (bez PDV-a) |
|----------------------|----------------------------|-----------------------------|
| 1. | "Divel" d.o.o. Sanski Most | 84.503,67 KM |

-Neprihvatljive ponude

-Komisija za javnu nabavku je stava da je ponuda ponuđača "I-Selimović" d.o.o. Cazin u ukupnom iznosu sa uračunatim popustom bez PDV-a od 98.873,72 KM, neprihvatljiva.

Naime ponuđač "I-Selimović" d.o.o. Cazin je u prilogu 2, koji se odnosi na obrazac za cijenu ponude u rubrici za koju je predviđen popust pogrešno je postupio, te je unio iznos PDV-a, tako da mu je ukupna cijena sa popustom bez PDV-a u iznosu od 98.873,72 KM veća od ukupne cijene bez PDV-a u iznosu od 84.507,45 KM. Navedeni obrazac nije popunjen u skladu sa prilogom 2 koji je sastavni dio TD te se iz tog razloga ponuda smatra neprihvatljivom.

Do ovakvog stava Komisija je došla i pregledajući prilog 1 TD u ponudi ponuđača "I-Selimović" d.o.o. Cazin.

Naime u prilogu 1 TD kojeg čini Obrazac za ponudu u tački 3, u koloni „Cijena naše ponude (bez PDV-a) navedeno je 84.507,45 KM, u koloni „Popust koji dajemo na cijenu ponude navedeno je 0.00 KM, u koloni „Cijena naše ponude,sa uključenim popustom“ navedeno je 84.507,45 KM, U koloni PDV na cijenu ponude (sa uračunatim popustom) navedeno je 14.366, 27 KM, u koloni Ukupna cijena za ugovor navedeno je 98.873,72 KM.

Obzirom da se radi o grešci koja je učinjena u dijelu ponude kojom se iskazuje cijena ponude,stav Komisije za javnu nabavku je da se takve greške ne mogu tolerisati odnosno prihvatati kao greške koje se mogu ispravljati nakon dostavljanja ponude. Drugačije postupanje, odnosno prihvatanje takvih ponuda sa učinjenim greškama u dijelu cijene ponude, dovelo bi u pitanje regularnost postupaka javnih nabavki i jednak tretman prema ostalim ponuđačima.

Komisija za javnu nabavku je stava da se u ovakvom slučaju ne može pozvati na Tendersku dokumentaciju i postupiti po dijelu TD koji se odnosi na "Ispravke_grešaka i propusta" tačnije po njegovim odredbama tačkama 8.5 i 8.6 Tenderske dokumentacije .

U konkretnom slučaju, ne radi se o grešci koja je „čisto aritmetičke prirode“ odnosno nije došlo do računске greške koja se može ispraviti u skladu sa odredbama ZJN i odredbama Uputstva za pripremu modela tenderske dokumentacije i ponuda.

Ovdje se radi o neispravnom popunjavanju obrascu za cijenu ponude (prilog 2 TD) od strane ponuđača prilikom pripremanja ponude.

Komisija za javnu nabavku se držala i ranije sstečene prakse u radu Komisije u istim situacijama, kao i nastale prakse u odlučivanju po istim slučajevima u želbenim postupcima Ureda za razmatranje žalbi BiH.

U prilog ovoj konstataciji Komisija za javnu nabavku navodi rješenja URŽ-a, dostupna na portalu javnih nabavki, između ostali rješenjabr.UP2-01-07.1-972-7/15 od 03.09.2015.godine, br. JN2-03-07-1-70-7/15 od 30.12.2015. godine i br. JN2-03-07-1-1321-9/17(II) od 11.01.2018. godine.

Ponuđač nije izjavljivao ni žalbu na Zapisnik o otvaranju ponuda, u kojem je su bile izražene cijene ponuda.

Radi svega navedenog u vezi ponude ponuđača "I-Selimović" d.o.o. Cazin, Komisija istu smatra neprihvatljivom.

E-Aukcija:

Za ovu javnu nabavku je bila predviđena e-aukcija, ali kako je samo jedna prihvatljiva ponuda, e-aukcija nije zakazivana, niti je održana.

Najpovoljnija ponuda

Komisija za javnu nabavku nakon ocjene ponuda konstatirala je da je najpovoljnija ponuda ponuđača "Divel" d.o.o. Sanski Most predložila je -preporučila Općinskom načelniku da se ugovor za javnu nabavku - **Izgradnja kanalizacionog sistema u naselju Otoke**, dodijeli ponuđač "Divel " d.o.o. Sanski Most, ponuda br.09/24-P od 10.01.2024. godine, za ponuđenu cijenu od 84.503,67 KM bez PDV-a (ukupna cijena sa uračunatim PDV-om iznosi 98.869,29 KM).

Podaci o izabranom ponuđaču

| PODACI O NAJPOVOLJNIJEM PONUĐAČU | | |
|----------------------------------|--------------------------------|---------------------------------|
| 1. | Naziv / ime ponuđača | "Divel" d.o.o. Sanski Most |
| 2. | Adresa | Krkojevci bb, 79260 Sanski Most |
| 3. | Ukupna cijena ponude bez PDV-a | 84.503,67 KM |
| 4. | Ukupna cijena ponude sa PDV-om | 98.869,29 KM |

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog najniže cijene ponude.

Izabrani ponuđač "Divel" d.o.o. Sanski Most, ponuda br.09/24-P od 10.01.2024. godine, izabran je primjenjujući kriterij najniže cijene, koja je ponuđena u iznosu od 84.503,67 KM bez PDV-a (ukupna cijena sa uračunatim PDV-om iznosi 98.869,29 KM).

Iz navedenih razloga, primjenom člana 64. stava (1) tačka b), najniža cijena, Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi BiH, Filijala Mostar, putem Ugovornog organa, najkasnije u roku od 10 (deset) dana od dana prijema ove odluke.

Dostaviti:

1. "Divel" d.o.o. Sanski Most
Krkojevci bb, 79260 Sanski Most
2. „I-Selimović" d.o.o. Cazin
Polje 15, 77220 Cazin
3. Službi 02
4. u dosije
5. a/a

